



SA EXAM PAPERS

YOUR LEADING PAST YEAR EXAM PAPER
PORTAL

Visit SA Exam Papers

www.saexampapers.co.za



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LEKUCALA (P1)

INDLOVANA/INDLOVULENKHULU 2016

EMAMAKI: 70

SIKHATSI: Ema-awa 2

Leliphepha linemakhasi la-13.

TICONDZISO KULABAHLOLWAKO

1. Leliphepha lehlukaniwe TIGABA LETINTSATFU:
SIGABA A: Sivisiso (30)
SIGABA B: Sifinyeto (10)
SIGABA C: Luhlelo nekusetjentiswa kwelulwimi (30)
2. Phendvula YONKHE imibuto ngeSiswati.
3. Cala LESO NALESO sigaba ekhasini LELISHA.
4. Dvweba umugca emva kwaleso naleso sigaba.
5. Tinombolo tetimphendvulo atihambisane naleto letisephepheni lemibuto njengobe tinjalo.
6. Shiya umugca emkhatsini wetimphendvulo takho.
7. Bhala ngebunono nangesandla lesifundzekako.
8. Siphakamiso sekulawulwa kwesikhatsi:
SIGABA A: Lokungenani emaminitsi la-50.
SIGABA B: Lokungenani emaminitsi la-30.
SIGABA C: Lokungenani emaminitsi la-40.
9. Caphelisisa sipelingi/lupelomagama nendlela lewakha ngayo imisho.

SIGABA A: SIVISISO**UMBUTO 1**

1.1 Fundza lethekesthi lelandzelako bese uphendvula imibuto letawulandzela.

ITHEKSTHI A

Kwaba kutigandza etjeni kwaMfokati Maziya mhlazana aya kuyewukhuluma namakhelwane wakhe Malambe, uyise waThuli. Futsi-ke wamkhandza kabi ngobe bekadle lobu bakaNgwane, bemvelo, umcombotsi. Empeleni bekangabuye amkhandze anjani ngobe cishe onkhe emalanga uyabutfole tjwala njengobe buphiswa khona lapha ekhaya lakhe. Uke watsi kwendlulisa emalanga Mfokati acabanga kutsi kutawuba khona lilanga amtfole angakanatsi kepha wabona kutsi buyinsakavukela umchilo wesidvwaba. Wagcina-ke sekakhulumile.

'Mine wena Mcanco angingeni etindzabeni tebantwana.' Sekubeka yena Malambe alandzela inkhulumo lebekwe nguMaziya.

'Ngimkhululile mine umntwana wangena sikolwa. Angifundzanga mine, uyafundza yena, nawe ufundzile kambe. Uma akhetsa kugana ashiye sikolwa, nalapho angingeni. Kuphela nje kuloyo lotsatsa umntwanami amkhulelise nobe amente umfati, ngifuna tinkhomo tami. Kunjalo nje Maziya.'

'Ucinisile impela Malambe. Umntwana nasewumnikile litfuba kepha yena wadlala ngalo, usuke satigwaze ngesakhe. Kepha Khwanati umntwana ngumntwana, kuyengana kunyenti. Utawukhandza kutsi boniswa bangani.'

'Kahle, kahle Maziya! Ungete wasola umntwanami kutsi nguye lowonisa wakho. Ye hhe! Khungainja yakho. Njengobe ngisho, angingeni etindzabeni tebantwana! Hawu Maziya! Mine phela ngitsi ute lapha sitewunatsa kantsi utewudlala ngami la!' Sewutsandza kuphakama ngemandla umoya waMalambe manje.

'Cha, asicabani Khwanati, siyacoca nje, kute lokubi.' Sewukhuluma ngelekuncenga Maziya. Uyabona kungatsi uyinyatsela emsileni imamba ingase imlume. Phela bekatsetse lelitfuba kutsi nobe angasiye umhambi wemashingo kepha uye akwente kucedza koma kubomakhelwane bakhe. Bayamati-ke nabo kutsi vele nakajabulile uyeta atewuvakashela takhamuti tendzawo.

'Yekela-ke Maziya, yekela! Tindzaba letinjena talokwetidzandzane titekwa bonina lena emagumeni. Tsine siteka tebudvodza esangweni. Mine wena Maziya ngifundzisa emajaha latawubuya angakhele likhaya. Lokwetidzandzane loku, anginamsebenti nako. Kuyahamba loku kwetinfo kuyewukwendza.'

'Yeyi makhelwane, selishonile Malambe, nami sengibuyela ngekhaya. Sesishushisene. Ngiyabonga Malambe.' Washo wasukuma Mfokati abona kutsi inkhulumo yabo ingeke ifike ndzawo.

'Ngibongile nami Mcanco. Uhlupha ngalokutsi awusuye umnatsi, buka ngobe kusasa sitawube sibushisa ngesheya kweMbuluzi, Ekuphakameni. Kubitwe lilima lekuyewugawula tingodvo. Sitawubuya sidzakwe sitinkhukhu. Kulungile Maziya.' Wasukuma naye Malambe wakhapha sihlobo sakhe esangweni. Uhamba nje Maziya inhliyo yakhe ibuhlungu. Kukhulisa umntfwana kwehlukene kumuti ngemuti. Yena ngekubuka kwakhe kubalulekile kutsi bobabili batali bemntfwana ekhaya bafake sandla ekumkhuliseni, anikwe imiyalo lecotfo letamakha. Yebo, bekakubona kuliciniso kutsi unina wemntfwana nguyena thishela wekucala nalomcoka kumntfwana. Emantfombatana kunyenti lekumele akufundze kubonina, kepha-ke jinge sandla sababe welikhaya sifuneke, ikakhulu ekuciniseni kuhlonipha, umntfwana ahambe indlela lecondzile.

Ngemuva kwekutsi eve LaMabuza kutsi yayihambe njani indvodza yakhe kuyewucocisana naMalambe, wefikelwa ngumcabango kutsi naye ake atinike litfuba lekuyewucocisana naLaShongwe, unina waThuli. Mhlawumbe bona njengebafati bangacoca bevane. Nembala waliitfolala lilanga lelikahle, wefika watfolala LaShongwe atihlalele atiphotsela umtiya. Bekute tjwala ngalelo langa lapha kaLaShongwe, ngako-ke baliitfolala lelihle litfuba lekuticocela.

'Utsintsa indzaba lematima yemntfwanaMabuza.' Washo LaShongwe alandzela kulebekushiwo nguLaMabuza, wabuye wachubeka. 'Ufika nje ngilalele nangu umsakato, luhlelo Lwetemndeni Kangwane. Bakhuluma indzaba lebhuhlungu kakhulu yanasi sifo lesingumbulalave, i-AIDS. Sekukanyenti ngitsi ngikhuluma nanasi sidzandzane sami lesikhudlwana, lomngani walesakakho, avele angihleke bulima atsi ayikho intfo lenjalo. Mine angisati impela ingatsi nebhatsa sebhukhona kulomntfwana.'

'Hawu yelele bantfwabetfu! Maye kuhle kwesaba intfo nangabe ungayati kahle. Uma umntfwana angasesabi lutfu, lukhulu langangena kulo.' Washo LaMabuza lisho licala kuvevetela livi lakhe. Akusho nekutsi uyayesaba LaMabuza indzaba ye-AIDS. Ngiyo kanye naye lekayesabela kumntfwanakhe ngetulu kwako konkhe lokutiphambeko tebantfwana. 'Ngitsi-ke kungaba njani lomntfwanakho sekaye kuyewupopola ingati sibone phela kutsi ngete latfolakala yini leligciwane.' 'Wakwala umntfwanami kukwenta loko, watsi wesaba kutsi nasebantjele kutsi unalo leligciwane, utawuphila kabuhlungu acabanga kutsi utakufa nobe kunini.'


'Wesabani phela kantsi akakholwa kutsi ikhona? Loku kuyatjengisa kutsi liciniso lekuba khona kwalesifo. Akwenteki kutsi nangabe kutfolakala kutsi unalo leligciwane usheshe ufe. Kunebeluleki labelulekako ngetindlela tekuphila kulesimo umntfu welulekwa angakapopoli abuye elulekwe nangemuva kwekupotjolwa.'

[Umfombolwati: SM Magagula, *Bungani Bebangani*, 90–94]

Phendvula YONKHE imibuto ngekubhekisa tonkhe timphendvulo takho kuletheksthi lengenhla.

- 1.1.1 Bhala sinanatelo saMfokati langabongelelwa ngaso nakungenteka avukwe lulaka. (1)
- 1.1.2 Kushiwo ngani kutsi umcombotsi tjwala baKangwane? (1)
- 1.1.3 Bhala umusho losesiceshini losho kutsi Mfokati abetihlupha kutsi angakwati kugucula imibono yaMalambe. (1)
- 1.1.4 Tinkhomo tibaluleke ngani endvodzeni yeLiswati? Bhala kube KUNYE. (1)
- 1.1.5 Nawufundzisisa letheksthi lengenhla behlukene ngani boMalambe naMfokati? (1)
- 1.1.6 Bhala KUNYE lokuyinkhomba yekutsi kunekuhlukunyetwa kwemalungelo ebantfwana nalabasikati kuletheksthi lengenhla. (1)
- 1.1.7 Khetsa imphendvulo. Malambe unato timphawu teBuswati bendzabuko ngobe:
 A Unatsa tjwala baKaNgwane.
 B Umela umntfwana wakhe.
 C Indvodza lehlala inatsile.
 D Ngumakhelwane locotfo njalo. (1)
- 1.1.8 Ngutiphi leto teluleko lakhuluma ngato LaMabuza kuLaShongwe, lekunikwa bantfu tona kute bacikelele i-AIDS? Bhala sibe SINYE kuphela. (1)
- 1.1.9 Akhombisani lamavi aMalambe kulenkhumo yabo? 'Kantsi ute kutewudlala ngami la.' (2)
- 1.1.10 Ngekwakho kubona makhelwane ubaluleke ngani etimphilweni tebantfu? (2)
- 1.1.11 Yini inkinga yalemindeni lemibili nawufundzisisa letheksthi lengenhla? (2)
- 1.1.12 Ngabe letingodvo letiyewugawulwa lilima kwentiwani ngato? Bhala kube KUBILI. (2)
- 1.1.13 Bekasho kutsini Malambe nakatsi, 'Khungainja yakho?' Chaza. (2)
- 1.1.14 Nika umbono wakho ngalamavi aMalambe: 'Tindzaba letinjena talokwetidzandzane titekwa bonina lena emagumeni.' (2)

1.2 Fundza lesibonwa lesingentasi bese uphendvula imibuto letawulandzela.

ITHEKSTHI B[Umfombolwati: <http://www.kingfeatures.com>]

- 1.2.1 Bhala KUNYE lokwenta kube lula kumnikati walenkomo kutsi asheshe ayibone nayisemhlanjini waletinye tinkhomo. (1)
- 1.2.2 Ucabanga kutsi yini lebangela lenkhomo ikhuluphale kangaka? (1)
- 1.2.3 Bhala indlela YINYE lekumele lesilwane lesingenhla siphatfwe ngayo. (1)
- 1.2.4 Yini lengaketayeleki kulenkomo lekulesibonwa lesingenhla? (1)
- 1.2.5 Ngaphandle kwelubisi nenyama, nika LOKUBILI ummango lokutfole kulesilwane lesingenhla. (2)
- 1.2.6 Bhala KUNYE lokwenta Theksthi A afane na Theksthi B, nakunye lokwenta lamatheksthi ehluke. (4)

SAMBA SESIGABA A: 30

SIGABA B: SIFINYETO**UMBUTO 2**

Fundza lethekesthi lelandzelako bese uyayifinyeta ngewakho emagama langabi ngetulu kwala-70. Sifinyeto sakho asivete emaphuzu lasikhombisa etindlela letinsha naletilula tekusebentisa libhange.

TICONDZISO

1. Finyeta ngewakho emagama.
2. Sifinyeto sakho asivete emaphuzu lamcoka lasikhombisa.
3. Sifinyeto sakho asibe ngendlela yetindzima (emapharagrafu).
4. Akukadzingeki kutsi ubhale sihloko.
5. Khombisa linani lemagama lowasebentisile ekugcineni kwesifinyeto sakho.

ITHEKSTHI C**TINDLELA LETINSHA NALETILULA TEKUSEBENTISA LIBHANGE.**

Emabhange akhelwa kutsi abe tindzawo lapho wonkhe umuntfu angalondvolota khona imali yakhe. Indlela lelibhizinisi lebelichutjwa ngayo phambilini, bekukutsi umuntfu atiyele yena matfupha kute atfole imali layibekile. Umuntfu bekakhona kuyitfolala imali kuphela nangabe libhange lisavuliwe ngetikhatsi temsebenti letimisiwe. Loku sekuntjintjile kuletikhatsi talomuhla.

Ngekutfufuka kwethekhnoloji, kukhokha imali ebhange nobe kuyibeka akusadzingi kutsi uye matfupha njengakucala. Seyente kwabuye kwaba lula nekutsi ukhone kukhokhela tikweleti takho nobe utsenge ungakayiphatsi imali futsi ungakayi nasebhange.

Indlela yekubhanga nobe kukhokha imali etitolo letitsengisako, njengabo-Shoprite, SPAR naletinye titolo letinyenti, seyidvumile. Loluhlobo lwekubhanga aludzingi kutsi umuntfu aze abe nelibhuku lasebhange. Nangabe umuntfu avete matisi wakhe, angakwati kutfolala nobe atfumele imali nanobe kukuphi lapho afuna khona.

Lokubuye kube kuhle kutsi letinye taletitolo takhiwe emimangweni lephuyile. Kuletinye taletitolo umuntfu uyakwati nekukhokha imali emishinini lekukhokhelwa kuyo lokutsengwe ngelikhadi lasebhange. Inhlawulo yekukhokha imali kuletitolo yincane nayicatsaniswa nekukhokha imali emishinini yasebhange yangaphandle.

Imishini yekukhokha imali letfolakala yonkhe indzawo seyiyitfufukise indlela yekubeka imali. Yenta lababeka imali bahlomule nangabe emabhange asavaliwe. Bantfu sebayakwati kubhanga, kutfumela nobe kukhokha imali kulemishini. Lokufanele kucashelwe kutsi inombolo yelikhadi iba yimfihlo yemnikati.

Nyalo emabhange lamanyenti sekaphindze akunike lilungelo lekwenta sicelo sekubolekwa imali kulemishini ingce nje nawukhokhela kahle tikweleti takho. Libhange nalivuma, imali loyibolekako ivele ifakwe emshinini uyitfole ngaphandle kwekubonana buso nebuso nebasebhange.

Ngekutfufuka kwethekhnoloji etincingweni, emabhange lamanyenti savumela indlela yekutfumelela umuntfu longenalo likhadi lasebhange imali. Umbikoselula utfunyelelwa kumakhalekhikhini walowo imali leya kuye neminingwane latayisebentisa kukhokha leyo mali ngaphandle kwelikhadi.

Linyenti lebantfu seliyakwati kutfumela, kukhokhela, kuholela nekwenta letinye tintfo ngekusebentisa i-inthanethi letfolakala kubomakhalekhikhini labasezingeni lelisetulu. Emabhange atsi lendlela yekusebentisa i-inthanethi iphephe kakhulu.

Emabhange اساسungule indlela yekwatisa bantfu bawo ngayo yonkhe iminingwane yetimali letingenako naletiphumako emabhukwini abo ngaphandle kwekungena ebhange batsatse titatimende.

[Umtfombolwati: Ihunyushwe isuselwa ephaphukwini i-*Move* yamhla ti-11, Indlovulenkulu 2015, 56–57]

SAMBA SESIGABA B: 10

SIGABA C: TAKHI NETIMISO TEKUSETJENTISWA KWELULWIMI**UMBUTO 3**

Fundza lesikhangisi lesilandzelako bese uphendvula imibuto letawulandzela.

ITHEKSTHI D

1. NGCONDVOMSHINI WETIMANGA!!!!!!


2. Mtfombo wetive tonkhe. Siyalu lesigobhota mlibe. Akekho umuntfu longafuni kuba nawe. Netigebugu letingakwati kukucocisa tikuhambela emoyeni.

3. Aweteli, awulali. Kukhatsala umuntfu wena ube umgcolotele njalo. *Sigadzagadza lesingabandvwa yinhloko.*

4. Simungulu sathishela lofundzisa emagumbi lamane emhlaba. Nalabanetihibe tekufundza bagijimela kuwe thishela lomkhulu.

5. Umuntfu lonawe uneligolide cobo lwalo. Labakuphatsako batfwala lilundza. Ngulabanjingile kuphela labakukhonako.

6. Kungabi khona kwakho kukhuba linyenti.



7. Halala ngcondvongcondvo lowehlula tingcondvo temadvodza. Munyisa situkulwane nesitukulwane ngelwati lwakho.

[Umfombolwati: <http://www.houseplants.com>]


3.1 Khokha umusho lonelovelomagama efreymini 7 kulesikhangisi lesingenhla uwubhale phasi. (1)

3.2 Nika inchazelo yalenkhulumo lesefremeni 6. (1)

- 3.3 Khokha umusho efreymini 2 kulesikhangisi lochaza kutsi ngcondvomshini unelwati lolungapheli. (1)
- 3.4 Phindza ubhale lomusho losefreymini 4 esikhundleni seligama lelidvvetjelwe ufake mcondvophika walo. (1)
- 3.5 Khetsa imphendvulo kuletilandzelako. Nika inchazelo yalesisho lesidvvetjelwe efreyimini 5.
- A Kuba yinjinga.
B Kuba yingcalamba.
C Kuba sematseni
D Babukeka batigcabha. (1)
- 3.6 Yini leyenta tigebengu kutsi loku lokukhangiswako tikuhambele emoyeni? Bhala KUNYE. (1)
- 3.7 Utsini umbono wakho ngalomusho locindzetelwe losefreymini 5? Chaza. (2)
- 3.8 Sinongo senkhulumo lesisifanisongco lesibhalwe ngalokutjekile efremini 3 sihambisana kanjani nalokukhangiswako? Chaza. (2)
- [10]**

UMBUTO 4

Fundza lekhathuni lelandzelako bese uphendvula imibuto letawulandzela.

ITHEKSTHI E

[Umtfombolwati: <http://www.amerivcanprogress.org/cartoon/page>]

- 4.1 Khokha umusho lonesiga senkhulumo efreymini 6 kulekhathuni lengenhla bese uyasidwebela. (1)
- 4.2 Bhala ligama lelingumfutiselo lelingena ngaphasi kwaleli lelidvvetjelwe efremini 1. (1)
- 4.3 Nawufundzisa lekhathuni, mangaki emalanga lekumele bafundze ngawo evikini? (1)
- 4.4 Kunemusho locuketse inkhulumonkholelo efreymini 4 kulekhathuni lengenhla, wukhokhe uwubhale phasi. (1)

- 4.5 Nguyiphi inchazelo lewungayinika leligama lelidvvetjelwe efremini 3 kulekhathuni lengenhla?
- A Bantfu labanukwako.
B Bantfu labanukako.
C Bantfu labanukanako.
D Bantfu labanukelelako. (1)
- 4.6 Umusho lobhalwe ngalokutjekile losefreymini 5, uluhlobo luni lwekumuntfutisa? (1)
- 4.7 Phawula ngekuhambisana kwenzawo labahleti kuyo labafundzi naloku labakwentako kulekhathuni? (2)
- 4.8 Faka inselelo kulenkulumo ledvvetjelwe efreyimini 2. (2)
- [10]**

UMBUTO 5

Fundza lethekesthi lelandzelako lenemaphutsa elulwimi bese uphendvula imibuto letawulandzela.

ITHEKSTHI F

Wafoma waba manti Makhanda, sandla siphetse indandatho siyifumbetse kutsi ingaphindze iphunyuke. Seminyaka lemitsatfu sahamba lesigebengu sakhe. Wabona kutsi Dzeliwe wente liphutsa lekumbhalela emuva kwesikhatsi lesingaka kwekube wanyamalala nje kantsi ulapha engculwini. Waphumela ngaphandle seloku indandatho *ayifumbatsile*.

Wabuka etulu esicongweni sentsaba lapho sibhakabhaka besibovu njengengati, emafu aso shengatsi abheje kufa. Wawabuyisa emehlo wabuka sitaladi lesendlula lapha ngasekhaya kubo lebesigcwele lutfuli loluphakanyiswa timoti nemabhasi. Wanyakata-ke emehlo awaphose ngaseElukwatini.

Makhanda wangena endlini wefike wabuyisela indandatho lapho beyibekwe khona. Waphindze waphuma, nanguya angenela sitaladi lebesingahambeki ngelutfuli. Wacondza kumnganakhe Mavi lohlala khona lapha Enhlazatje. 'Sawubona Mavi jaha lakitsi, tsine sibulawa **ngumvangedvwa** lapha eveni lakitsi.' Kusho yena Makhanda. Mavi waphendvula watsi nabo indlala nelilanga kubaphetse kabi impela.

[Umtfombolwati: *Lapha Nalapho*, likhasi 8–9]

- 5.1 Phindza ubhale lomusho lodvvetjelwe kulethekesthi lengenhla, uwucale ngekutsi: Leliviki lelitako ... (1)
- 5.2 Shano kutsi ligama lelibhalwe laba mnyama kulethekesthi lengenhla lisitfo sini senkhulumo. (1)

- 5.3 Bhala lomusho lolandzelako uvete umcondvo lolandvulako:
Makhanda wangena endlini wefike wabuyisela indandatho lapho beyibekwe khona. (1)
- 5.4 Shano kutsi selulo sesento lesisegameni lelibhalwe ngalokutjekile kuletheksthi lengenhla siletsa muphi umcondvo. (1)
- 5.5 Sebentisa sento 'hamba' emshweni sibe sibalulingco. (1)
- 5.6 Lungisa emaphutsa lakunangu umusho lolandzelako:
Wanyakata-ke emehlo awaphose ngasElukwatini. (1)
- 5.7 Cala lomusho ngekutsi: Mavi naMakhanda ...
Waphumela ngaphandle seloku indandatho ayifumbatsile. (2)
- 5.8 Sebentisa sento 'phatsa' emshweni sibe sendleleni lesalibito, umusho ube sesikhatsini lesiyawufika. (2)

[10]

SAMBA SESIGABA C: 30
SAMBA SAKO KONKHE: 70